



Javno preduzeće za komunalne i zanatske usluge "RAD"  
društvo sa ograničenom odgovornošću Lukavac  
Partizanski put bb, 75300 Lukavac, Tuzlanski kanton, FBiH, BiH

E-mail: jprad@bih.net.ba  
www.jpradlukavac.ba

Centrala: 035/555-096  
035/554 870  
Tel./fax: 035/554 439

Općinski sud Tuzla, Matični registarski broj: 1-536 ID broj: 4209472410009 PDV broj: 209472410009  
Računi: NLB Banka: 1321200307860053; Addiko Bank: 3060440000389985; UniCredit Bank: 3383002250425336; Sparkasse Bank: 1990500006731798

Broj: 02-10- 3616 /19  
Lukavac, 03.12.2019. godine

Na osnovu člana 26. Statuta J.P. „RAD“ Lukavac, člana 4. Pravilnika o radu J.P. „RAD“ d.o.o. Lukavac i Odluke o potrebi prijema radnika broj: 02-10-3615/19 od 03.12.2019. godine, raspisuje se

## JAVNI OGLAS za prijem radnika u radni odnos na neodređeno vrijeme

Raspisuje se javni oglas za prijem 10 (deset) radnika u radni odnos u Javno preduzeće za komunalne i zanatske usluge "RAD" d.o.o. Lukavac sa sjedištem u ulici Partizanski put bb, 75300 Lukavac, www.jpradlukavac.ba.

Javni oglas se raspisuje za prijem radnika u radni odnos na neodređeno vrijeme za sljedeća radna mjesta:

1. Automehaničar - 3 (tri) izvršioca
2. Autoelektričar - 1 (jedan) izvršilac
3. Instalater centralnog grijanja - 2 (dva) izvršioca
4. Vodoinstalater – 2 (dva) izvršioca
5. Bravar - zavarivač - 1 (jedan) izvršilac
6. Vozač - 1 (jedan) izvršilac.

Pored općih uslova predviđenih Zakonom o radu Federacije BiH, kandidati moraju ispunjavati i posebne uslove:

Za poziciju broj 1. Javnog oglasa:

- III stepen stručne spreme (KV), Smjer: Mašinski – automehaničar

Opis poslova: vrši utvrđivanje i otklanjanje kvarova na vozilima i sredstvima rada; odgovoran je za tehničku i saobraćajnu ispravnost vozila; obavlja poslove na pripremi, montiranju i održavanju automobilskih benzinskih i dizel motora kao i stabilnih motora sa unutrašnjim sagorijevanjem; na osnovu crteža i specifikacija, koristeći alat i mjere instrumenata, montira, podešava i kontroliše montirane motore; ispituje motore na probnom stolu, vrši remont i održavanje automobilskih i stabilnih motora i mehaničkih dijelova i sklopova; obavlja i druge poslove po nalogu poslovođe u autoservisu.

Za poziciju broj 2. Javnog oglasa:

- III stepen stručne spreme (KV), Smjer: Mašinski – autoelektričar

Opis poslova: vrši otklanjanje autoelektričarskih kvarova i nedostataka na motornim vozilima i sredstvima za rad; obavlja poslove održavanja i popravke električnih agregata; vrši popravke električnih instalacija, osvjetljenja u vozilu; vrši demontažu i montažu akumulatora i sl.; obavlja i druge poslove po nalogu poslovođe u autoservisu.

Za poziciju broj 3. Javnog oglasa:

- III stepen stručne spreme (KV); Smjer: Tehnički – Instalater centralnog grijanja

Opis poslova: obavlja poslove na pripremi, montiranju, ispitivanju i održavanju instalacija centralnog grijanja, kao što su toplovodna i vrelovodna mreža grijanja, toplinske podstanice i ostala oprema sistema grijanja; vrši kontrolu uređaja i sistema za snabdijevanje u smjenama; u toku smjene vodi evidenciju toplote u svim podstanicama; obavlja i druge poslove po nalogu poslovođe i rukovodioca odjela.

Za poziciju broj 4. Javnog oglasa:

- III stepen stručne spreme (KV); Smjer: Tehnički – Vodoinstalater

Opis poslova: obavlja poslove na pripremi, montiranju i održavanju cijevi i drugih uređaja za snabdijevanje vodom i za oticanje otpadnih voda kao i sanitarnih uređaja, izvodi radove na priključku radnih objekata na vodovodnu i kanalizacionu mrežu te radove na redovnom održavanju vodovodne i kanalizacione mreže, vrši zamjenu vodomjera po nalogu poslovođe, po potrebi vrši očitavanje mjerača protoka vode, stanja na brojilima unosi u terensku knjigu očitavanja, ustanovljava ispravnost brojila, vodi evidenciju vodomjera, vrši kontrolu utroška vode na terenu na zahtjev stranke odnosno potrošača, obavlja i druge poslove po nalogu poslovođe i rukovodioca odjela.

Za poziciju broj 5. Javnog oglasa:

- III stepen stručne spreme (KV); Smjer: Mašinski – bravar, zavarivač

Opis poslova: obavlja poslove zavarivanja na motornim vozilima i sredstvima rada sa opremom i alatom kojim raspolaže radna jedinica; radi na pripremi, izradi, oblikovanju, montiranju i održavanju metalnih predmeta, kao što su izrada modela od metala, izrada i montiranje brava, namještaja, peći, montiranje karoserija, šasija, održavanje pumpi, i dr.; vrši autogeno i elektro zavarivanje gvožđa i obojenih metala; obavlja i druge poslove po nalogu poslovođe u autoservisu.

Za poziciju broj 6. Javnog oglasa:

- III stepen stručne spreme; KV Vozač motornih vozila

- Položen vozački ispit „B“ kategorije

Opis poslova: obavlja poslove vozača službenog motornog vozila za potrebe preduzeća, za čije vrijeme je dužan da se pridržava propisa o bezbjednosti saobraćaja na putevima; stara se o održavanju, tehničkoj ispravnosti, registraciji, čuvanju i čistoći službenog vozila, odgovoran je za motorno vozilo i opremu koja je po zakonu obavezna za to vozilo; vodi evidenciju o korištenju motornog vozila; otklanja manje kvarove; obavlja i druge poslove po nalogu direktora preduzeća.

Potrebni dokumenti:

- uredno popunjen prijavni obrazac (preuzet sa web stranice preduzeća)
- kraća biografija, adresa i kontakt telefon
- dokaz o stručnoj spremi (diploma/svjedočanstvo o završenoj srednjoj školi)
- izvod iz matične knjige rođenih (neograničeni rok važenja)
- uvjerenje o državljanstvu (ne starije od 6 mjeseci, pri čemu se navedeni rok računa od dana izdavanja uvjerenja od strane nadležnog organa do dana predaje prijave na javni oglas)
- fotokopija vozačke dozvole za poziciju broj 6. Javnog oglasa
- potvrdu/uvjerenje kojim se dokazuje prednost pri zapolljavanju (za kandidate koji imaju prioritetu zapolljavanju po posebnom propisima).

Uz prijavu na javni oglas, kandidati su dužni dostaviti dokumente o ispunjavanju općih i posebnih uslova, original ili ovjerene fotokopije koje nisu starije od 6 mjeseci računajući do dana objave javnog oglasa.

Kandidati su dužni dostaviti popunjen PRIJAVNI OBRAZAC, koji mogu preuzeti na web stranici preduzeća (www.jpradlukavac.ba.).

Nije predviđeno ugovaranje probnog rada.

Kandidati čija je dokumentacija uredna, potpuna i blagovremena i koji ispunjavaju uslove iz Javnog oglasa bit će obavješteni o datumu, mjestu i vremenu održavanja usmenog ispita (intervjua), putem obavijesti koja će biti dostavljena na adresu kandidata, kao i na e-mail adresu ukoliko je ista navedena u prijavi.

Ako kandidat ne pristupi na usmeni ispit (intervju), smatrat će se se da je odustao od prijave na Javni oglas.

Prilikom izbora kandidata prednost će imati kandidati koji po posebnom zakonu imaju prioritet u zapošljavanju. Prioritet u zapošljavanju kandidati dokazuju odgovarajućim dokumentima (potvrda, uvjerenje i sl.) koje prilažu uz prijavu na Javni oglas, pozivajući se na poseban zakon po kojem imaju prednost.

Izabrani kandidati su dužni, prije potpisivanja Ugovora o radu, dostaviti ljekarsko uvjerenje o zdravstvenoj sposobnosti za obavljanje poslova radnog mjesta za koja su izabrani.

Prijavu sa potrebnim dokumentima sa naznakom "Prijava na Javni oglas za poziciju broj \_\_\_\_\_" dostaviti lično ili putem pošte, u zatvorenoj koverti, na adresu:

J.P. „RAD“ d.o.o. Lukavac  
Partizanski put bb  
75300 Lukavac.

Rok za podnošenje prijave je osam (8) dana od dana objavljivanja Javnog oglasa.

Napomena: Nepotpune, neblagovremene i neuredne prijave neće se uzimati u razmatranje. Kandidati, čija je dokumentacija neuredna, nepotpuna i neblagovremena bit će pisanim putem obavješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti. Priložena dokumentacija neće se vraćati, osim na pismeni zahtjev kandidatima koji su istu dostavili u originalu.

Dostaviti:

1. Dnevni list "Dnevni avaz"
2. JU Služba za zapošljavanje TK
3. JU Služba za zapošljavanje TK – Biro Lukavac
4. Služba za pravne poslove
5. Arhiva



DIREKTOR

Osmić, Nehrudin, dipl.ing.rud.